

四庫全書

史部

欽定四庫全書

欽定平定臺灣紀畧卷四十九

十二月二十七日

庚申

福康安海蘭察恒瑞鄂輝同

奏言二十二日大兵至水沙連山口並無賊匪踪

跡臣福康安鄂輝由山右搜入海蘭察恒瑞普爾

普由山左搜入渡過大溪見沙上車轍縱橫必係

賊人搬眷入山之路遂率領巴圖魯侍衛章京等

跟踪追趕見賊匪千餘擁護車輛行走山梁上另

有數千屯劄官兵左右圍繞鎗箭斃賊一百餘名  
護車賊匪奔上山梁有騎馬賊目一人執旂往來  
指揮賊衆據險放鎗當令廣東兵及屯練降番於  
蕉林竹園內攀緣先上急欲生得賊目訊問賊踪  
海蘭察即直前馳射賊目腿中箭傷登時就獲詢  
係賊目蔣挺巴圖魯侍衛等復趕殺賊衆二百餘  
名山下賊眷車牛中砲驚逸自相踐踏死者不可  
勝計詢據蔣挺供稱林奕文已回大里代巢穴質

之投出村民所言亦屬相符臣等伏思官兵攻剿所向克捷乘勢立搗賊巢已如摧枯拉朽途中若稍有需遲轉恐使賊人從容修補查水沙連山內逸賊雖多祇係零星賊匪不值深入窮追致稽時日況所帶兵丁祇此數千未便逐處派留致分全力因撤調埔心二林舊存之兵移駐水沙連山口臣等即一面向大里杙進殺沿途焚剿虎仔溪萬丹庄南投北投等處賊庄甚多不能悉數二十四

日申刻至平臺庄距大里杙迤南五里先商令海  
蘭察恒瑞普爾普帶同巴圖魯侍衛等往察看地  
勢情形大里杙東倚大山南繞溪河砌築土城密  
排大砲內設竹柵兩重城外溝塹重疊防守極為  
謹密臣福康安將所帶官兵義民分布整齊即令  
海蘭察恒瑞鄂輝普爾普率領巴圖魯侍衛等進  
至溪邊賊人於城上施放大砲不敢上前接仗因  
溪河水勢正深臣等馳馬先渡較步兵行走疾速

賊人乘我兵尚未到齊自城內擁出萬餘三面圍  
裹捨命前撲巴圖魯等鎗箭如雨廣東廣西屯練  
兵丁亦即趕到爭先涉河攪殺一處斃賊甚多而  
賊人詭譎異常屢敗不退維時天色昏暮即令官  
兵在田塢溪邊分隊排開抵敵擬於次日探明路  
徑合圍堵截並預飭各兵整齊行列不可稍動聲  
色靜俟賊來剿殺移時果有賊匪潛來攻擾見官  
兵屹立不動鎗砲大震旋即敗走未逾數刻又自

沿溪分路抄截撲至拗邊有賊目一人擊鼓僨催  
蜂擁前來勢頗兇惡賊目被我兵鎗斃始稍退散  
如此往返撲壓五六次官兵奮勇攻擊此處賊匪  
竄回彼處又復踵至迨至丑刻攻擾愈力短兵相  
接殺死賊目賊匪數百名臣福康安海蘭察恒瑞  
鄂輝普爾普往來督催分投策應自日暮直至次  
日黎明官兵力戰一夜痛殲賊衆鎗箭均無虛發  
而我兵受傷者不過數人二十五日卯刻派兵一

面與賊接仗臣等即率同巴圖魯侍衛等由賊巢西南西北兩門分路進攻一擁而入殺死賊目張大林素林成林快江近許三江陳及不知姓名騎馬賊目二十餘名賊衆二百餘名生擒賊目劉懷清林茂二名另行解京審辦隨將劉懷清嚴加訊問跟究林奕文下落據供林奕文原思固守見官兵長驅直入軍威壯盛料難抵敵遂於夜間迎拒官兵時潛回城內帶同眷屬由東首僻路進入大

山等語查林奕文本一無賴小民肆為大逆掠邑  
戕官必當生擒解京盡法處治此次官兵進搗賊  
巢附近庄民多被賊人畏去無從細詢路徑甫到  
大里代臣等即親往查看地勢原擬籌畫攻圍生  
擒首惡無如連夜打仗營壘未立不及層層進逼  
拏卡掘壕林奕文即已乘夜入山潛踪延喘當即  
分派官兵入山分投搜捕其內山生番隘口前令  
徐夢麟諭知屋鰲等社把守要隘茲據該社頭人

雅維思畢岱等來營謁見臣已面加慰諭賞賚即  
令前往大里杙東北內山搜拏逸匪惟水沙連等  
社生番在大里杙東南向未與外社相通現已尋  
覓熟諳番情之人前往曉諭加以重賞令其一體  
堵截復嚴飭各處海口添派員弁實力稽查林爽  
文已成釜底遊魂斷不致稽誅漏網其投出難民  
臣已分委委員加意撫輯無不歡欣鼓舞歸庄安  
業此次攻克大里杙起獲大小砲一百六十餘位

鳥鎗二百三十餘桿穀二千餘石牛八百餘隻旗  
幟刀矛不可勝計惟銀錢等項林奕文向係勒派  
各庄隨時攢湊是以並無存積現將城堡平燬房  
屋焚燒鎗砲器械交彰化縣運往鹿仔港封貯並  
將稻穀散給義民作為口糧牛隻及零星衣物分  
賞官兵屯練再二十二日賊匪七八千攻圍大肚  
溪營盤守備丁士偉及新投熟番奮力抵禦舒亮  
親率兵丁義民前往接應並令叅領扎拉芬七十九

等埋伏後路舒亮親帶官兵與賊接仗鎗箭斃賊甚多賊匪等登時敗竄退上大肚山追至半山復有賊衆數千抄截後路扎拉芬等分投攻擊共殺死賊匪四百餘名擒拏活賊十二名即行正法並據徐鼎士徐夢麟稟稱分派官兵義民分作三路與護叅將敏祿護遊擊潘國材進剿豬高庄賊匪數千迎拒潘國材官兵三面被圍經敏祿帶兵策應朱龍章等奮勇擊賊立時潰散官兵焚燬賊庄

七處殺賊數百名等語茲於二十五日舒亮及徐鼎士徐夢麟由烏日庄猪高庄兩路至大里杙軍營會合又查逆匪滋事以來所過村庄無不被其擄害而愚民無知被賊人威脅附和順從者在在皆是如大里杙牛稠山巷古坑大埔林中林南投斗六門鹿仔溪烏日庄田中央猪高庄等處為賊首賊目巢穴屯聚日久官兵從未進攻是以相率附從每遇攻掠地方糾合動至數萬約計諸羅彰

化兩縣烏合賊衆不下數十萬人荷蒙

恩旨凡脅從之人自行投出者無論從賊與否一槩免  
其追究自諸羅解圍後附近村庄投出者紛紛不  
絕惟近山一帶道路未通尚不能家喻戶曉及大  
軍進搗賊巢屢次克捷居民等震懾兵威不敢仍  
前抗拒其籍隸漳州之人自與賊首同鄉尚深疑  
懼男婦老幼逃入山中藏匿者共有數萬戶此項  
人數甚衆誅之不可勝誅若一嚴行查辦恐堅其

從逆之心又益賊人黨羽且臺灣械鬪成風人情  
剽悍聚衆一處必致更滋事端急應妥為安撫以  
定民心現在臣嚴密查察訊明村庄戶口逐名散  
給手票斷不虞賊中頭目混入其中稍有疎漏數  
日內將難民全行招出遣散歸農內山賊勢愈孤  
不能復行煽動至內山生番素不與外社相通惟  
番社通事間往交易林奕文滋事之初即預為逃  
竄地步勾結生番往來稔熟官兵進逼賊巢一經

敗竄即入內山臣已選派官兵於進山隘口分投  
搜捕並諭知屋鰲等十八社生番協同堵截其水  
沙連至大里杙山後一帶生番從未歸化林爽文  
必在該處潛藏冀延殘喘當此大兵屢捷之後非  
不可直入番界攝以兵威但內山路徑崎嶇林深  
菁密向來人跡不到軍行糧運跋涉維艱與山外  
地方可以長驅深入者情形實有不同臣前自元  
長進兵直至大里杙晝夜趲行沿途打仗原因賊

勢猖獗已久利在速平萬一延至春初臺灣天氣  
炎熱雨水連綿辦理彌形棘手是以乘新兵銳氣  
奮勇直前今賊巢已傾惟首惡適往番社若不探  
明賊踪所至仍前冒險輕進恐構累生番海捕終  
難弋獲欲速反遲於事殊多未便 臣現已尋覓熟  
諳番情通事前往剴切曉諭各社該生番雖係化  
外之人諭以利害購以重賞即可供我驅遣如此  
四面布置官兵番社協力搜拏林奕文所往皆窮

斷不能遠颺漏網至南路賊匪雖未全行解散但賊巢業已掃平自不能仍前肆擾臣已屢次知會常青令其相機剿撫擒拏莊大田如兵力不敷仍應倍加慎重一俟首逆就擒臣即帶兵速驅南路至撫恤難民事宜臣已咨調內地官員前來臺灣幫辦茲各庄投出者紛紛不絕而內山逃竄難民為數更多務於撫恤之中密寓稽查奸匪之意較為尋常撫恤尤應倍加周妥其餘無業游民又可

於建城垣時以工代賑藉資口食是撫恤難民估計城工實為此時要務亟須預行籌畫其清查叛產搜拏賊犯家屬等事頭緒繁多亦關緊要臬司李永祺人雖穩妥一人實難兼顧臺灣民情刁悍當甫經平定之後亦非一臬司及道府等所能彈壓必須辦事精細大員方可董率料理撫臣徐嗣曾與臣會晤時曾言臺灣軍務未竣不敢安坐省城情願赴軍營効力稍贖罪戾觀其情詞甚為懇

切現在省城並無要務湖南官兵計期已可過省  
將來撤兵各項事宜有李侍堯駐劄廈門泉州等  
處足資經理亦毋庸徐嗣曾在彼幫辦應請令徐  
嗣曾速渡臺灣辦理各項事宜悉心籌酌可期妥  
協惟查海洋風信靡常難計時日若俟奏摺回後  
再行移會未免稍遲臣已於拜摺後咨明該撫即  
行起程由蚶江徑渡鹿仔港所有巡撫印務即交  
藩司伍拉納暫行兼護再臺灣逆匪滋事以來地

方官奮勉趨事義民等踴躍急公自應擇其尤為出力者酌加獎勵 臣到軍營後留心察看查有同知徐夢麟原在淡水一帶同副將徐鼎士堵禦賊匪徐鼎士本屬中材從前夾攻賊巢之策即係該丞籌畫此次攻克猪高庄等處該丞率領義民協同官兵打仗尤為勇往且能熟悉番情派令曉諭岫裡屋鰲等社生熟番衆搜捕逸匪辦理均能妥協又知縣黃嘉訓於乾隆五十一年十二月運糧

至臺灣掣獲偽官劉志賢旋因另案降調經常青  
奏留署理諸羅縣知縣該員現在護理理番同知  
印務隨同普吉保督率兵民收復笨港嗣經臣檄  
委搜捕西螺餘匪及隨往元長剿賊實為勤幹能  
事臣已令徐夢麟戴用花翎以示鼓勵且使番人  
瞻視呼應更靈其黃嘉訓一員核其勞績本應一  
體賞給但究係降調人員未免過優仰懇先行賞  
與同知職銜如果能始終奮勉再行請

旨至義民守備職銜武舉黃奠邦捐資招集義民固守  
諸羅千總職銜林湊率領義民在鹿仔港實力堵  
禦賊匪此次大兵進剿該義民首等偵探賊情打  
仗殺賊實屬奮勇可嘉臣均已賞給藍翎面加獎  
諭其餘各處義民首等有捐資辦公保庄拒賊及  
奉委招集義民者容俟逐一查明另行分別具奏  
又林奕文逃逸入山經臣等分派官兵搜捕並面  
諭屋鰲等社生番在內山分投堵截令於搜過之

處在山頂舉放烟火為號連日見大里杙東北及  
東面山上烟焰甚多初一日有獅子沙里心生番  
社長劉阿里帶領生番頭人社番三十六名來營  
稟稱業已帶領番衆在山內遍搜並無賊匪踪跡  
該生番等踴躍急公甚為恭順臣已面加曉諭賞  
以銀牌烟布等物仍令入山搜捕頃復探聞近山  
阿罩霧平林仔地方現有多人聚集即行派兵前往  
查係被賊畏去難民而平林仔祇存空庄並無民

人居住當將難民等招出歸庄並搜出零星逸賊一百二十三名嚴訊實非賊目亦不知林奕文去向訊明後俱已即行正法查彰化諸羅兩縣地方東倚大山內一層重巒疊嶂皆係生番居住外一層與生番隘口地勢交錯多有民人墾種埔地如大坪頂集集埔平林仔鯽魚頭八仙頂等處村落相望道路甚屬叢雜該處地近內山藏奸最易又有逃往難民數萬餘戶林奕文雖勢窮力竭遁跡

遠颺未必不復思煽聚惟有一面加意招徠散其  
黨羽一面曉諭賊中頭目令其自行擒獻贖罪立  
功查有賊目杜敷陳泮二人與生番最熟見官兵  
勢盛俱有自行投出之信臣已遣素與杜敷陳泮  
等相識之人前往剴切曉諭貸其一死如果能將  
林奕文及家屬等全行縛獻再加優賞諒此烏合  
匪徒原無恩信見利相圖勢所必至惟林奕文逃  
入番社尚無實在下落連日以來招撫難民又不

下二萬餘人擇其明白誠實者隔別訊問或云林  
奕文由火焰山直入番社或云集集埔大坪頂等  
處有賊人據險潛聚傳聞均各不同一俟訪得確  
音如林奕文復由番社潛赴大坪頂等處臣等即  
行帶兵前往跟踪追捕現在貴州官兵陸續到營  
者已有一千四百餘名其餘不日亦可到全湖南  
官兵尚無到鹿仔港之信自因風信不順未得放  
洋此時賊勢雖衰而山內賊匪尚未搜剿淨盡南

路遺孽亦須兵力掃除未便將楚省兵丁遽行停  
止若日內林奕文莊大田全行就獲鳳山一帶俱  
已肅清再行飛咨李侍堯停其配渡以省煩擾至  
閩粵二省續行備調兵丁臣已咨明李侍堯孫士  
毅毋庸挑備并令傳知各營以定人心再前獲賊  
目蔣挺劉懷清林茂三名因劉懷清患病頗重蔣  
挺箭傷未愈未即起解今又搜獲賊目何從龍一  
犯訊係經管賊人硝賬不肯認供受過偽職亦應

解京審辦臣已將蔣挺劉懷清林茂何從龍四犯一併交侍衛額爾登保帶同廣西綠營官弁并兵丁二十名令於本月初四日押解起程一面飛咨李侍堯及沿途督撫遴選員弁兵丁小心解送並面諭額爾登保如劉懷清病勢加重不能到京即於途中正法不使倖逃顯戮又諸羅淡水等處民情漸已寧謐被脅之吳天等俱赴梁朝桂軍營投到情願招撫村民贖罪連日以來鹿仔草拏獲賊

匪涂同等四名諸羅拏獲賊匪林鑿等八名淡水  
拏獲賊匪劉雙慶等四名臣已飭行梁朝桂訊明  
吳天等實係被脅良民免其追究飭諭歸庄仍行  
分遣妥員設法招徠安輯其各處搜獲賊匪除審  
係賊目即解赴軍營嚴訊外餘犯俱在各該處即  
行正法又義民首廩生王維清情願赴鳳山地方  
招出被脅村民保庄拒賊生員劉宗榮熟諳中路  
番情遣令曉諭生番堵截逸匪旋經義民李光藝

帶同來營 臣面加詢問大武壠山後即係內攸八  
社生番俱與劉宗榮稔熟派往曉諭自可得力查  
莊大田在南路一帶滋擾與林奕文狼狽為奸互  
相響應頃接常青札會亦稱府城附近賊匪雖多  
而民間聞北路官兵屢次得勝人心較前甚為安  
定是現在南路賊勢已孤而莊大田所住之大武  
壠地方逼近內山不可不預防竄逸 臣已遣王維  
清前往鳳山曉諭村民並令劉宗榮即赴內攸番

社堵截莊大田入山之路不使遠颺漏網再知府  
楊廷理原帶義民在三坎店駐劄茲於道通後前  
來軍營查府城防守事宜現有道員永福等在彼  
足資料理臣已令該府隨營辦理糧餉撫恤事宜  
又賊目陶烏帶領賊匪五百餘人投出泣請出力  
贖罪應免其追究若果能立功自効再當照莊錫  
舍之例酌加獎賞以廣招徠

同日常青奏言前派守備莊錫舍隨同副將丁朝

雄前赴東港剿捕其時廣東庄義民不與會合臣  
遵

旨曉諭嗣後總宜奮力抒忠協同剿賊不必心存岐視  
不日泉粵等庄且有

欽頌匾額用嘉義勇該義民等盡皆感激鼓舞歡忭異  
常當有粵庄義民募集二千餘人暫時不能來府  
恐賊人侵擾該庄臣以東港駐兵無多諭令該庄  
選撥壯健前赴東港協助守禦該港雖近南仔坑

等處賊巢現可固守無虞至府城營盤

臣

內外稽

察加意嚴防近日北路賊首潰敗南路賊夥聞風  
震懾各處潛竄覓食偷生時伏時出十一月三十  
日又有匪衆一二千來擾營盤當經派撥官兵迎  
剿計鎗砲擊斃並追殺者共百餘人餘皆奔散茲  
准李侍堯添派督撫等標兵一千名陸續來臺尚  
未到齊府城一帶自更足敷堵剿再前經東港獲  
賊吳豹一名據臺灣府訊非賊目已於十月內正

法均奏入

上命軍機大臣傳諭福康安常青李侍堯曰生番頑獷  
性成貪利而無信福康安當大兵攻克賊巢聲勢百  
倍逆首窮竄之際正當趁此兵威及鋒而用即勒兵  
直壓生番地界諭以禍福則生番等震懾兵威貪得  
獎賞自必將林奕文即時獻出實為此事際要機宜  
從未用兵之道惟以威勝歷觀前史禦敵之道無不  
全資兵力即至講和修好納降亦必陳師壓壘使敵

人畏威懾伏然後盟約可堅操縱自我即如近來擒獲燕起一事前者燕起已為布魯特葉爾體拜所獲因彼時見無官兵遂仍將燕起釋放此次老格帶領官兵前往直壓要隘始據布魯特部落將伊擒獻可見兵力強盛辦理易於完事此即近事之明証福康安寧未之知何以擒拏林奕文轉不乘得勝兵威鎮懾番衆今祇差人曉諭生番懸立重賞則生番等惟利是視設林奕文窮竄該處將所掠財帛廣為賄結

較懸賞之數更多生番等利其重賂或竟將林奕文私行藏匿不肯擒獻福康安等豈將委之不辦且現據福康安所奏招集番社止有屋鰲等十六社其水沙連等二十四社外尚有無數番社若皆購線往招設生番等私將林奕文放逸而以逃往他社藉口此數十番社中互相推卸既不能不予以重賞又仍不能藉生番之力擒獲賊首有何裨益豈有官兵在彼久住經年累歲候其縛獻之理且似此展轉稽延倘

林奕文暗中勾結復從內山潛行煽惑別滋事端豈不更費兵力若生番等受其賄賂捏稱已死亦將信其誑詐遽為完事乎總之福康安等剿捕賊匪雖已攻破巢穴尚未足為功此案逆首林奕文罪大惡極為覆載所不容豈可任其漏網稽誅必須將首逆生擒解京盡法處治方可謂之藏事前曾有旨令福康安等於剿捕完竣善後事宜交常青等接辦福康安海蘭察等明春趕赴天津加以宴賞今首逆林奕文尚在潛匿搜捕不

免多需時日計明歲巡幸天津時福康安等斷不能趕赴  
行在竟毋庸遵照前旨急於前來如逆首林奕文拏獲即  
令海蘭察押帶先行進京福康安於擒獲賊首廓清北路  
後仍當統領官兵馳赴南路會合常青將賊目莊大田  
及黨夥各要犯悉數擒拏掃除餘孽收復鳳山將一切  
善後事宜酌定章程再行起程回京亦未為遲至福  
康安等摺內稱將擒獲賊目四犯派侍衛額爾登保  
押解進京審訊一節尤屬無謂此案總以林奕文莊

大田為渠魁首惡一經拏獲自應迅速解京若此等賊目並非要犯有何究訊之處又何必派令顧爾登保解送况現值搜拏逆首之時正須巴圖魯等在彼奮力進捕乃令其解送此等無關緊要之犯該處豈不轉少一奮勇得力之人今既已起程即令其迅速押解來京以備詢問一切此後如拏獲林奕文莊大田應於海蘭察鄂輝二人內酌定一人押帶前來其餘並非首逆正犯止須審明後即在該處正法毋庸

派員解送以省煩擾至恒瑞前已有旨革去將軍並  
屢諭福康安切實查明叅奏令其自備資斧回京候  
旨今福康安不但不將恒瑞據實劾叅令其回京轉  
於屢次摺內將恒瑞列名在鄂輝之前並於聲叙打  
仗之處屢將恒瑞露名以見其出力為恒瑞免罪見  
功地步看來竟係瞻顧親戚有心為之開釋非曰愛  
之其實害之矣福康安不應如此著傳諭嚴行申飭  
並著即飭令恒瑞來京候旨無庸留於軍營以免瞻

顧又此時逆首林爽文尚在潛逃內山地方路徑叢  
雜貴州湖南之兵皆係生力素稱趨捷正可資其搜  
捕現已陸續渡洋前抵軍營自毋庸停止也至柴大  
紀如祇係小有侵漁私圖肥索此等劣蹟臺灣文武  
官吏皆所不免朕於他人尚不加深究况柴大紀係  
有功之人今柴大紀廢弛營伍甚至私令兵丁渡回  
內地貿易牟利以致存營兵少而於賊匪起事之初  
柴大紀正值巡閱各營並不即時前往查辦轉回至

府城及賊匪距城三十餘里尚不思帶兵出城剿捕  
此三事是柴大紀最重之案是賊匪日漸猖獗蔓延  
滋擾竟由柴大紀釀成則伊雖有守城之功而其激  
變貽誤之罪斷難輕貸將伊按例正法亦所應得即  
將來核辦時念其不肯出城一節尚堪憐憫亦祇可  
如黃仕簡任承恩貸其一死而於朝審勾到時仍應  
綁赴市曹以示懲儆斷不能置之不辦顛預了事福  
康安李侍堯如查明柴大紀欵蹟屬實即嚴行參奏

降旨拏問送京治罪又常青接奉諭旨敷衍陳奏並未  
能帶兵剿殺匪黨擒拏賊目現在福康安已將賊  
匪巢穴攻克軍威丕振常青正宜督兵進剿肅清南  
路乃摺內所奏情形僅能自守殊覺無謂常青既不  
能帶兵奮勦竟當固守府城於各海口嚴密巡防預  
截賊人逃竄之路此事即專交常青辦理

上又命軍機大臣傳諭徐嗣曾曰徐嗣曾本係漢員由  
科甲出身朕因其辦理地方事務尚能循分妥協是

以擢用巡撫朕平日信任委用原非若福康安李侍  
堯可比但以柴大紀如此款蹟昭然在浙江既有聲  
聞福建自更有物議徐嗣曾豈毫無聞見著該撫即  
將柴大紀各款蹟詳晰查明確實並此外有無別項  
劣蹟一并據實參奏該撫已往之咎朕已不加深究  
今經特旨詢問若再有徇隱之處則是自取重戾恐  
不能再邀曲貸

上又命軍機大臣傳諭琅玕曰柴大紀種種款蹟德成

自浙江回京傳聞既有確據琅玕身膺巡撫於柴大紀鄉評輿論豈竟毫無風聞且該撫身係覺羅尤非他人可比閩浙本屬毗連聲息相通一有外邊議論即當據實奏聞方為不負任使何以竟未奏及著琅玕將因何不奏之處明白回奏

上又諭內閣曰現在臺灣剿捕事宜剋日歲功所有一切善後事宜俱須大員籌辦徐嗣曾現在省城並無要務即湖南官兵計期已可料理過省而廈門泉州

一帶有利侍堯在彼駐劄足資經理徐嗣曾計此時已前赴臺灣著將撫恤難民估計城工及清查叛產搜拏賊屬等事悉心籌辦務期妥協所有巡撫印務著伍拉納暫行護理

二十八日

酉 辛

上命軍機大臣傳諭福康安曰福康安等頓兵大里杙欲待生番將逆首自行擒獻實屬過於持重且據福康安奏稱面諭屋熬等社生番內山分投堵截令於

搜過之處在山頂放烟為號連日見大里杙東北及  
東面山上烟焰甚多等語所辦亦未妥協生番等於  
搜過地方舉放烟火為號有何辨別福康安所見烟  
焰安知非林爽文所放是此種號記仍屬有名無實福  
康安等當官兵直搗巢穴銳氣方盛時即令一鼓作  
氣直抵番境擒拿賊首則官兵等乘此全勝之勢踴  
躍直前自無難將賊首即時擒獲今頓兵不進則將  
士等屢勝之後一經歇息未免心存散懈再令其鼓

勇奮振其銳氣必不如前豈能得力福康安等自應親統大兵直壓番境並聲言官兵即日入山搜捕一面遣人前往曉諭以林奕文現在逃入山內官兵不難直入分路搜捕特以生番等俱係無罪之人若官兵即往搜山恐致蹂躪擾累是以稍緩進兵先行曉諭該生番等若能將逆首林奕文擒獻即當予以重賞倘助逆黨惡私行藏匿並不即時獻出天兵一到四路剿捕生番等必致同罹誅戮如此明白曉示諭

以禍福俾生番等既貪得重賞復震懾兵威自必將  
首逆擒獻可期迅速完事若似此瞻顧遲徊此等頑  
獷生番不知禮法官軍久駐何日始能將賊首拏獲  
耶至福康安此時惟當專以擒拏逆首為要務其柴  
大紀種種劣蹟不妨從緩查辦柴大紀如果有實在  
款蹟一經查訪無難得實若查辦太急或致柴大紀  
聞知畏罪自戕轉似福康安忌其有功有心逼迫豈  
不使造言生事之人妄生議論以為屈害有功之人

耶福康安惟當熟籌妥辦

二十九日壬戌李侍堯奏言本月十二日侍衛和隆

武額爾登保等押解陣獲之逆犯林茂等四名進

京自鹿仔港放洋因風駛至廈門登岼詢知福康

安破大里杙後本月初五日移營水沙連地方有

賊目陳泮前來投誠并將妻子入質自願帶同生

番限初八日以內擒拏林奕文來獻福康安擬以

一得林奕文後即從嘉義縣至郡城一帶安撫民

番劉洗餘賊等語查賊目中向聞有陳泮吳領二人為逆奕保守大里杙虎仔坑等處最稱驍悍如果陳泮情願擒逆贖罪看來自必可成兼以南北道路已通是賊匪多已潰散逆首一擒即勢如破竹剿撫並用旦夕可以竣事奏入

上命軍機大臣傳諭福康安李侍堯曰賊目陳泮向助林奕文為逆固屬黨惡不法今自謀生路到營投誠若能將逆首林奕文即時擒獻以完此案將來查辦

逆黨時陳泮尚可寬一綫免其死罪但不可仍留臺  
灣應酌量發遣新疆陳泮與林奕文同惡相濟必知  
林奕文逃竄踪跡今既請限擒獻自必易於拏獲正  
當加以撫諭令其急思自効以圖免罪至陳泮向與  
吳領同在斗六門虎仔坑一帶助逆首保護巢穴屢  
出滋擾看其光景似在莊大田之次現在陳泮已經  
投誠懇請自効而吳領尚未有下落福康安務須嚴  
訪踪跡將吳領一併拏獲不可令其漏網



欽定平定臺灣紀畧卷四十九

欽定四庫全書

欽定平定臺灣紀畧卷五十

正月初四日

上諭內閣曰上年臺灣辦理軍務漳泉等府屬應付浙  
閩滿漢官兵及四川湖南貴州各兵兼之糧餉軍裝  
鉛藥等項絡繹過境差務甚繁資用民力之處最多  
茲屆春祺普錫之時大功即日告竣自宜特沛殊恩  
以示優卹所有泉州府之晉江惠安同安漳州府之

龍溪漳浦海澄詔安等八縣本年應徵錢糧著加恩蠲免十分之三其浦城崇安建安甌寧南平古田閩縣侯官福清莆田仙游等十二縣應徵錢糧著蠲免十分之二至福鼎霞浦福安寧德羅源連江光澤等七縣所有應徵錢糧著緩至五十四年麥熟後徵收俾小民均沾渥澤以副朕惠愛黎元有加無已之意

上又諭內閣曰現在臺灣府廳縣應行改建城垣德成

於工程事務素為熟諳著即馳驛速赴臺灣會同徐  
嗣曾將該處應辦城工悉心估勘

同日孫士毅奏言十二月二十二日船戶進口傳  
稱福康安帶兵搜山分派將弁各路齊進已於十  
二月初十前將首逆林爽文擒獲且稱十月間賊  
匪數萬日夜環攻諸羅元長庄等處營盤見賊勢  
利害不敢帶兵前進幸將軍福康安痛剿賊匪殺進  
諸羅道旁百姓慶幸更生喜極而泣將軍也在馬

上墮淚各等語與臣前此所聞無異其言似確奏

入

上命軍機大臣傳諭福康安孫士毅曰前據李侍堯奏  
聞得賊目陳泮懇請定限於十二月初八日以前將  
林爽文獻出日內盼望福康安奏報擒獲逆首之信  
正深懸注今據孫士毅詢問進口船戶有十二月初  
十日前生擒首逆林爽文之語此信得自洋面往來  
商客自屬確實計福康安奏報之摺自己在途不過

日內即可奏到實信至摺內稱賊匪攻擾諸羅時元  
長庄等處營盤見賊勢利害不敢帶兵前進自屬與  
情公論又稱福康安一到即親身統兵痛剿賊匪殺  
進諸羅福康安進縣城時見百姓跪迎在馬上為之  
墮淚自係該處百姓被圍日久慶得更生福康安目  
擊情形為之憫惻真是乃心國家之良臣與朕同心  
至元長庄等處營盤見賊勢利害不敢輕進自係恒  
瑞普吉保二人畏憚觀望其咎均難解免著福康安將恒

瑞普吉保二人罪狀分別輕重據實具奏

上又命軍機大臣傳諭徐嗣曾曰臺灣賊匪滋事不法現經福康安等攻破賊巢擒拏逆首該處各村庄投出難民甚多急應撫綏稽察其義民鄉勇亦應安插歸庄徐嗣曾到臺灣後務須與福康安悉心籌酌勉力妥辦俾該處民人共臻寧謐不致失所至臺灣府廳縣現需改建城垣工程較大非司員所能經理德成於工程事務素為熟諳已降旨令其馳驛前赴臺

灣詳悉勘估該撫務須會同妥辦籌估周密以期工  
歸實際帑不虛糜一勞永逸方為妥善

初九日壬福康安海蘭察鄂輝同奏言前聞林興  
文家屬潛匿水裏番社即遣義民首職員楊振文  
舉人魯大源曉諭社丁杜敷令其擒獻茲於初十  
日復遣帶領義民之教諭郭廷筠帶同投出賊目  
黃寬黃翰陳講前往設法擒拏十二日據杜敷令  
其弟杜朗同黃寬等來營稟稱杜敷曉諭生番將

林典文家屬拘留恐其畏罪自戕不便遽行擒縛  
定於十三日誘令出山逃命官兵即可拏獲等語  
臣查水裏番社至大營七十餘里山徑甚屬叢雜  
林典文現在潛匿內山若聞知家屬被拏竟在中  
途邀奪杜敷等人數無多恐難抵禦即派令副將  
張芝元叅將吳宗茂遊擊王宣守備鄭元楷馬大  
雄帶領漢土兵丁一千名直往番社一面曉諭生  
番毋庸驚懼十三日黎明張芝元等進入內山約

二三十里遇見杜敷帶同生番百餘人將林奕文之父林勸母林曾氏弟林壘妻林黃氏在途中圍守官兵到後即行按名拏獲恐賊黨仇恨杜敷害其家屬仍令帶領生番入山自行護衛并令探訪林奕文潛逃踪跡臣等即將林勸等隔別嚴訊跟究林奕文下落據林勸供二十四日夜間林奕文自大里杙潛逃從火焰山後番社行走他就往集埔把我們留在水裏社居住這十餘日總未見

他不知逃往那裏去了等語質之林黃氏林壘供亦相符而林曾氏尤屬狡悍不肯吐實因係應行解京要犯不便刑訊設法開導方能錄取實供又拏獲偽軍師僧悟天訊問復供稱林典文大約逃在柵欄山後一帶地方藏匿供詞亦屬游移未可憑信適有賊目阮和陳泮歐旅等帶同眷屬自行投出該賊目等均係有名頭目既已悔罪歸誠即可令其立功自効臣隨面加開導留其家屬在營

發給執照仍令扮作賊黨入山竄探一俟得有確  
信即行帶兵前往現在賊首東西奔竄黨羽離心  
賊目人等皆思自行投出逃匿者亦多被官兵拏  
獲並據撫輯村庄各員稟報被脅民人歸庄者已  
有數萬看來賊勢窮蹙已甚不過恃其地勢險僻  
勾結生番得以苟延殘喘祇須嚴防隘口杜其出  
山之路一面招致生番協同堵截縱使弋獲稍遲  
數日亦不致漏網稽誅再職員楊振文舉人曾大

源世居彰化去年賊匪滋擾時屢遣賊黨招致該  
職員等深知大義不肯從賊棄家避至泉州臣在  
大擔門候風時詢訪熟識臺灣情形之人即將該  
職員等帶赴鹿仔港招募義民隨軍進剿此次購  
線杜敷擒獲賊眷不辭艱險前往番社曉諭尤為  
出力而曾大源又曾經遵檄帶領義民隨同舒亮  
在大肚溪等處打仗均屬奮勉可嘉楊振文係捐  
納四品職銜加銜未免過優現已賞戴花翎以示

鼓勵曾大源係文舉人出身年齒尚輕予以知縣  
實缺恐其不諳民社觀其人尚明白文理亦優臺  
灣風俗以得授京職為榮可否將該舉人以內閣  
中書補用至杜敷招致生番拘拏賊眷亦屬出力  
已賞給千總職銜所有出力辦事及生番人等俱  
已查明從優獎賞其林爽文家眷同陸績拏獲賊  
目蕭悟天賴應劉天錫林良林順林祖胡真沈定  
劉德等現在研取確供另行選派委員解京辦理

再查臺灣地方本無土著以全郡而論漳泉廣東  
三處民人居其大半而福州汀州興化等府民人  
寄籍者亦多除郡城縣城及港口鎮集各處俱為  
五方雜處之區其餘村庄原係自分籍貫各為一  
庄居住惟因閩庄粵庄彼此交錯田業毗連遂有  
構釁相爭之事如能將漳泉廣東村庄酌為遷徙  
各分界址使其相離較遠固可以稍杜爭端但南  
北兩路地方寬廣處處清釐廬舍田產皆須互相

易換房間之多寡田畝之腴瘠既難適得其平而  
派往查辦各員又不能不假手胥吏辦理稍有未  
妥轉恐紛爭滋事若令義民仍守世業查明與賊  
匪同庄之人即行遷徙又屬難於區別蓋臺灣鬪  
狠成風又因賊匪蔓延日久愚民畏其克橫心懷  
兩端雖漳民中未嘗無向義之人而泉州廣東各  
庄附賊者亦復不少除山猪毛蕭壠學稼等處始  
終通庄拒賊外其餘一庄之中或充義民或為賊

黨甚至有父兄現係義民子弟復去而從賊奸良相雜實屬不齊即如諸羅受困時賊匪內間有潛賣糧食接濟城中之人而義民被賊裹去者又復中道從賊此等情形可為明証現在被脅投出之人俱已幸獲更生歸庄安業倘於民心甫定之後復行紛紛查辦概令離析勢有所難詳察情形漳泉廣東民人各分氣類固屬風俗不純而閩粵各庄彼此隣近即偶有為匪之事不能合成一氣轉

可互相舉首且民風之淳薄原無一定全視吏治  
為轉移從前地方官撫輯不得其宜惟知貪圖安  
逸諸事廢弛甚或遇有械鬪重案意為出入從中  
取利奸民等全無懼日久之遂釀成大案將來賊  
匪蕩平之後若府縣皆得其人痛改積習於民間  
結會聚鬪之事有犯必懲秉公辦理嚴加約束自  
不致別滋事端再舊例內地民人至臺灣不准携  
帶眷屬止許隻身居住耕種今內地携眷出口者

未聞稽查禁止因何開此例禁自有舊案可稽已  
飭該道府確切查明另行覆奏臣查海洋重地禁  
止搬眷居住使民人顧戀室家不敢恣意為非舊  
例原屬妥善但臣經過各處村庄民人等俱有眷  
屬而查點投出難民婦女幼孩尤多該民人等居  
住臺灣已歷數世勢不能令其仍回內地若僅申  
明往例止許隻身出口民人等一到臺灣仍可置  
立家室例禁雖嚴亦屬有名無實至臺灣地方寬

廣奸宄易滋臣所到諸羅彰化兩縣地界已極遼  
濶即如現在進兵劄營之地不但從前劄賊官兵  
不能搜捕至此即地方官亦未嘗親身經歷居民  
等恃其險遠恣為不軌遂致無所顧忌自應酌添  
丞倅將弁以資彈壓臣原擬於事定後將全郡地  
方自鳳山直至淡水逐處詳加查看將如何建立  
城池營汛添設官弁兵丁之處歸入善後事宜妥  
議以期一勞永逸綏靖海疆斷不敢因念切瞻依

稍存草率了事之見至海蘭察及巴圖魯侍衛等  
自應於事竣後先令起程但臺灣地方廣濶民情  
反側難安必須威望素著大臣帶領巴圖魯等分  
投巡察方足以資彈壓應俟民情大定將善後事  
宜酌籌妥協交與鄂輝徐嗣曾從容妥辦再同海  
蘭察等起程回京所有貴州廣東廣西屯練兵丁  
最為勇壯出力自當酌留數千以為鎮撫之用第  
向來軍營撤兵先後總以道路遠近為準今將川

黔遠省及隣省兵丁酌留竊恐閩省各兵未免稍  
存形迹事竣時酌量情形如無需多兵鎮撫即令  
廣東廣西兵丁一併撤回並通行曉諭各營閩粵  
官兵隨征一載久著勤勞與川黔各兵甫到臺灣  
者不同自應先行撤回以示體卹如此明白宣諭  
歸伍者咸知感悅而所留皆係勇健兵丁臣得藉  
資指臂不致虛糜廩給實於公務有裨再十二月  
初一初六等日賊匪攻擾蘇莖茅港尾等處經遊

擊黃象新擊退殺死賊目徐英打傷賊目陳勝殺賊二百七十餘名初九十二十三等日梁朝桂帶兵巡哨至蔴苴庄等處遇賊均經官兵殺退十四日復有賊匪四千餘人分擾蔴苴茅港尾官兵奮勇剿殺鎗砲打死賊匪甚多奪獲鉛藥器械無算又烏什喀達探聞大武壠賊匪千餘人在大客庄地方搭藁居住隨於初五日進剿鄭國卿遣都司吳壯圖領兵接應過河直冲賊隊賊即沿山敗走

官兵追過山梁十餘里焚燒草蓼二百餘間殺賊三十餘名割取耳記二十八件十一日復帶兵前往分路進剿見賊匪在山內分隊排列施放鎗砲官兵奮勇進攻殺死賊匪百餘名割取耳記三十件奪獲刀矛十七件查麻苴庄大武壠等處均係通往郡城要路南路賊匪當賊勢潰敗之餘尚敢聚眾滋擾實堪痛恨然不過烏合匪眾時出時沒亦不致復行梗阻道路除檄行梁朝桂烏什哈達

分投堵剿一俟拏獲首逆大兵南下毋難盡數殲  
除至鹿仔草一帶村庄節據鄭國卿稟報投出難  
民俱已歸庄修葺房屋整理田園民情極為寧謐  
又查臺灣各處義民多係紳衿舖戶等招集亦有  
由地方官衙門招募充當者每日口糧或係義民  
首捐資脩辦或係官為給發各有不同自逆匪滋  
事以來府城諸羅鹿仔港等處久被攻擾得以固  
守無虞實藉該義民之力臣到軍營後即行普加

賞賚並將義民首黃奠邦林湊奏明賞戴藍翎其  
山猪毛義民首舉人曾中立最為奮勉出力前已  
寄諭獎勵並令帶領粵民相機堵剿俟大軍至南  
路時再行從優獎賞此外隨同官兵打仗及倡義  
急公捐助軍需之義民等如何分別獎賞之處俟  
逐一查明另摺具奏其有通庄拒賊始終不懈者  
請照効忠里懷忠里之例官給匾額以示勸勵再  
此項義民從前因賊勢鴟張不得不多為招集多

增一千鄉勇即減去一千賊夥是以人數衆多不能逐一揀擇用以防守地方尚屬奮勉而打仗進攻究因未經訓練若無官軍帶領亦不能十分得力臣自進兵以來留心察看惟內地帶來義民奮勇可恃其次則黃真邦林湊張源懃鄭天球名下義民尚能打仗殺賊此外義民僅可稍助官軍聲勢不能獨當一隊現在北路賊匪將次蕩平無須多人防守所有諸羅鹿仔港元長庄等處官給口

糧義民臣已大加裁減以省煩費並諭知各義民等散遣歸耕之後器械均無所用即令其逐件繳銷量為給賞所有繳出器械發交地方官改鑄農器查明失業貧民散給庶農民得資耕種而民間亦不致私藏軍械似屬一舉兩得將來剿平南路亦即一體辦理奏入

上命軍機大臣傳諭福康安海蘭察鄂輝李侍堯曰連日以來盼望擒獲逆首之信甚為焦切茲接到奏報

祇係挈獲林奕文父母家屬未足為快且摺內稱林奕文家屬潛匿水裡番社福康安等遣義民社丁令其擒獻曾經繕摺具奏之處此摺亦尚未遞到而本日摺內亦未詳細聲叙殊未明晰此等逆首親屬均係罪不容誅今業經擒獲自應解京辦理但林奕文罪惡貫盈性同梟獍既不知尊君親上豈復顧其父母家屬現雖將伊全家挈獲而林奕文尚未就擒自仍在各番社潛藏希圖奔竄他處林奕文係首惡渠

魁若不生擒解京盡法處治何以彰憲典而快人心  
福康安等在大里杙水沙連等處駐劄惟招致番社  
懸示重賞令其擒拏實屬過於持重况現在所帶巴  
圖魯等及官兵內之四川屯練貴州等省兵丁最為  
驍健於登山履險更屬趨捷如林奕文逃入內山生  
番等竟敢將伊潛匿何難勒兵直入內山分路搜捕  
生番等見官兵已入番境益加震懾豈有不爭先擒  
獻之理且據福康安奏南路蘇豆茅港尾等處俱有

賊匪數千攻擾又大武壠有賊匪千餘搭葦居住是  
郡城道路雖已開通而該處賊匪尚在窺伺滋擾實  
屬可恨可惡此等賊匪必係莊大田夥黨現在常青  
在府駐守兵力不多未必能肅清南路福康安等既  
經攻克賊巢正當乘勝深入速將林爽文尅期拿獲  
即移兵南路搜捕莊大田殲除逆黨自成破竹之勢  
若似此曠日持久安知非林爽文潛匿不出思欲於  
北路牽綴官兵仍令其夥黨在南路肆擾即現在番

社等擒挾林奕文家屬或亦係藉此搪塞以為緩兵之計仍私將林奕文放逸令其潛行逃竄設林奕文又從內山逃往南路與莊大田會合狼狽為奸復行煽聚更復成何事體耶至漳泉廣東民人前原有酌令分庄居住之旨既而思之其事似屬難行其禁止携眷一節亦因舊有成例是以詢及但臺灣地方戶口甚繁即內地民人不准其携眷前往而民人到彼後即在臺灣另置家室亦難禁止此等事祇須於剿捕

完竣後將是否可行之處歸入善後酌量妥辦今林  
典文尚未就擒何暇辦理及此至現在臺灣官兵為  
數甚多足資搜剿堵截之用又何須該處義民幫助  
聲勢福康安等功在垂成轉心存懈弛試令福康安  
等自思受朕如此重恩乃並不出力自効豈以朕有  
賞而無罰耶

上又命軍機大臣傳諭劉綎長麟李世傑閔鶚元琅玕  
李侍堯徐嗣曾曰本日福康安遞到六百里加緊夾

板一副外有紅旗一面及拆閱奏摺祇係拏獲林奕文之父母家屬尚未將首逆擒獲此次臺灣逆匪滋事不過么膺烏合之衆易於撲滅即日林奕文就獲亦不值用紅旗奏報况現在首逆尚未拏獲沿途驛站何得混行編寫紅旗同軍報馳遞實非尋常錯誤可比著沿途各督撫於所管驛站逐一查明即將該處地方官及驛站員弁嚴行查叅治罪再福康安尚有十二月初七日拜發一摺至今尚未奏到自係

沿途驛站馳遞耽悞並著各該督撫一併查明覆奏

初十日

酉癸

上命軍機大臣傳諭福康安海蘭察李侍堯曰前據李侍堯奏賊目陳泮前來投誠並將妻子為質自限十二月初八日以内擒拏林奕文來獻今福康安奏到之摺係十二月十三日拜發而陳泮並未將林奕文擒獲獻出是陳泮自請勒限之語不過信口混供並不能立功自贖即應將該賊目拏解來京究辦此等

賊人頭目當逆首潰敗奔竄之時惟知偷生逃死保全軀命豈能顧其家屬即如林奕文之父母妻弟俱經拏獲而林奕文仍復潛匿不出可見此等逆匪性同梟獍豈尚有所繫戀自行投到希圖保其父母家屬身命之理是陳泮雖將其家屬留營為質亦不過故為掩飾自圖逃竄之計福康安豈可深信即聽其入山踴探置之不問設使陳泮逃入內山尋獲林奕文轉狼狽為好告以軍營實情同行逃竄則既不能

擒拏逆首適以助其羽翼豈不大錯况頓兵不前曠日持久則生番等見官兵聲勢伎倆不過如此又何所畏憚轉恐為其所輕豈肯將首逆林爽文即時擒拏獻出乎但福康安不可因奉有飭諭心懷畏懼轉致中無把握福康安係朕股肱心膂之臣今膺此重寄本應一力擔當確有定見方為不負任使若既不辦理安速而因有申飭之旨更致遇事游移則其不是更大至柴大紀貪劣各款並非無據福康安等

訪查得實即應列款嚴叅不必因此時尚在用兵稍  
為容隱現在剿捕事務雖尚未竣豈辦一柴大紀即  
慮其去而從賊乎福康安等惟應據實叅奏朕即不  
肯沒其守城微勞亦自另有裁奪也

十一日

甲戌

福康安海蘭察鄂輝同奏言大里杙一

帶現已搜捕淨盡惟招出難民甚多應酌留官兵  
撫輯彈壓平林仔地方係內山要隘亦應派官兵  
義民等堵拏逸匪臣等即于初四日自平林仔發

兵沿山行走探知林興文帶同賊夥往來水沙連  
內之集集埔水裡社等處而集集埔為入山要路  
林興文預為退守地步於該處臨溪設卡據險死  
守初五日臣等帶兵前往察看該處山勢南北斜  
對兩山之中橫繞大溪一道即係虎尾東螺兩溪  
上游地名濁水溪賊人阻溪自固在陡砌上壘砌  
石牆橫塞道路並於北山草嶺安設賊卡防守極  
為嚴密隨派令普爾普許世亨穆克登阿普吉保

謝廷選扎爾杭阿張占魁由山路進攻臣福康安  
海蘭察恒瑞鄂輝帶領巴圖魯侍衛等分路進至  
溪邊溪流深急賊壘砌築甚長賊匪見官兵將至  
擊鼓聲喊約有萬餘人于牆內連放鎗砲我兵排  
鎗前進兼用大砲轟擊已斃多賊而賊匪恃險抵  
禦不肯即時潰竄海蘭察恒瑞率領巴圖魯侍衛  
等乘馬浮過深溪臣福康安鄂輝催兵一同前進  
廣東廣西貴州屯練官兵無不人人奮勇泅水徑

渡巴圖魯侍衛等鎗箭齊發斃賊甚多官兵屯練  
攀援而上推倒賊壘擁入趕殺十餘里將集集埔  
內賊營全行剷洗並將沿淮角地方草藨一千餘  
間焚燬共計生獲賊一百餘名殺賊二千餘名逃  
竄賊匪滾跌下山及趕入溪中淹斃者不可勝計  
河灘山下賊屍遍地縱橫直追至生番隘口始行  
停止普吉保普爾普許世亨穆克登阿等亦攻克  
草嶺賊卡由山路前來會合訊據擒拏活賊供稱

賊匪懼官兵趕殺四散奔逃闌林與文說此一仗  
若再不支就逃到內山去了並未說有一定地方  
賊首家眷已搬入水裡番社居住等語查集集埔  
一帶大山重叠竹樹茂密路徑甚多處處可以奔  
竄勢難遍山海捕今賊首當屢敗之後並未由山  
外僻徑潛赴南路即行逃入番界竟係賊匪等罪  
惡貫盈自尋絕地坐待官兵擒獲若惟事尾追恐  
其聞風驚逸或竟畏罪自戕轉不能生擒解送臣

等已探明各處路徑令普爾普駐劄科仔坑普吉  
保駐劄科仔坑口琢靈阿駐劄林圪埔葉有光駐  
劄藤湖口謝廷選李自昌陳大恩駐劄流藤坪舒  
亮駐劄歸仔頭格綑額駐劄清水溝各帶兵丁分  
頭防守臣等在于東埔納大半天等處近山要路  
分劄營盤嚴密堵截至東南一面均係生番地界  
不能派兵前往已設法傳出水沙連頭社生番頭  
目十餘人面加獎賞反覆開導即令傳知各社不

得容留匪犯生番等甚為踴躍願率領番衆一體  
搜拏又探知諸羅縣東阿里山內有小路可通南  
路已派叅將張萬奎帶領官兵義民一千名在彼  
防守如此處處布置堵其去路賊首等似無從出  
山竄逸再此次在集集埔等處奪獲大小砲二十  
六位烏鎗一百九十七桿刀矛九百四十五件又  
據遊擊葉有光起獲火藥六桶都司田智起獲子  
砲二個鉛子四萬八千顆已將鎗砲運赴鹿仔港

同前次所獲鎗砲交李化龍妥為收貯其鉛子火藥等項分給官兵配用所有擒拏活賊即于軍前正法審出緊要賊目的留數人另行解京再賊目吳匣吳添陳溝黃寬黃翰等陸續投赴軍營情詞尚為真切臣逐一留心察看多係愚魯村民擇其稍有才幹者派令擒拏賊黨其餘即行散遣歸庄免究前罪伏思此等投歸賊日本非良善但既已出示招撫不得不寬其一線交地方官存記姓名

密加防範若再行按名查辦恐不足取信愚民轉  
致自相疑懼且現在軍威大振民人擒獻賊匪者  
紛紛不絕即漳人素有黨護同鄉惡習近亦不敢  
容留匪犯自行舉首雖臺灣狡詐成風未可深信  
然經此番大加懲創之後民情震懾斷不致別滋  
事端又臺灣瀕海地方除鹿耳門鹽水港鹿仔港  
淡水港等處海口其餘支河汊港甚多小船皆可  
偷渡臣諄切飭知駐守海口之鎮將大員嚴密稽

察凡係可以通海之處皆添撥弁兵防守茲據總  
兵李化龍稟稱都司陳邦光千總楊連陞在鹿仔  
港附近之番仔挖海口拏獲謝湖船一隻並無執  
照內載偷渡民人康節等男婦一十九名內有孫  
兩一名頭上有傷痕四處陳昌李福二名頭上皆  
有傷痕謝牛一名供認曾經從賊等語又據總兵  
陸廷柱稟稱汛弁在鹿耳門外拏獲李淡無執照  
船一隻共載民人張桃等男婦二百四十四名口

訊係自內地偷渡來臺灣欲到北路五條港入口  
遇風飄到鹿耳門等語伏查船隻攬載無執照客  
民本干例禁况現在搜剿逆匪餘黨潰逃尤應嚴  
行究辦番仔挖孥獲船隻載有賊夥已飭委李永  
祺馳往鹿仔港會同李化龍嚴行究辦其鹿耳門  
所獲船隻私載民人至二百四十餘名之多或竟  
係賊人夥黨出口潛逃假稱來自內地亦未可定  
所供殊不足信臣已咨行常青就近親提各犯嚴

行訊究從重定擬至恒瑞自到鹽水港以來僅知後路堪虞零星打仗不能痛剿賊衆直達諸羅其咎實無可逭但詢之烏什哈達等僉稱恒瑞在鹽水港時常與賊匪打仗俱係親身帶兵前往每日招撫村莊巡查營卡並未在營坐守及臣等自諸羅進兵恒瑞屢在前敵打仗殺賊頗屬奮勉海蘭察等皆所親見看來恒瑞素未歷練軍務遇事不能堅守思慮過多遂至茫無定見而于帶兵打仗

之處尚非心存怯懦畏賊不前臣固不能徇私袒  
庇亦不敢避親誼之嫌不行據實陳奏轉蹈欺飾  
可否將恒瑞留於軍營自備資斧効力贖罪事竣  
後再行回京再查成都將軍一缺專管土司及新  
疆屯田各事必須熟諳人員方資經理福州雖係  
海疆而臺灣平定之後事務較簡自不如成都之  
缺更關緊要鄂輝久在川省練達老成臣素知其  
撫輯得宜最為番人信服今令鄂輝調補福州似

難收駕輒就熟之効可否將鄂輝仍留成都將軍之任奏入

上命軍機大臣傳諭福康安海蘭察常青鄂輝李侍堯曰福康安奏到之摺係初七日拜發在前日奏到十三日所發奏摺之前該處賊匪阻溪自固壘砌石塙安設賊卡聚至萬人非一朝一夕所能為福康安等於攻破大里杙賊巢後若即統領大兵乘勝追殺則賊匪紛紛逃竄救死不暇豈尚能收合夥黨聚集萬

人從容壘砌石牆設卡拒守即使攻破大里杙後或有堵拏餘匪撫輯彈壓事宜亦祇應於將領中酌留數人帶領弁兵在彼儘足以資料理福康安即當親統大兵乘勝突入搜捕賊匪即或逆首逸入內山生番等懾於軍威亦必及時擒獻乃官兵於十一月二十五日攻破賊巢直至十二月初四日始由平林仔發兵前進計期已閱十日使賊匪得以乘暇收合餘黨於集集埔預為佈置臨溪設卡壘堵塞路據險死

守幸而衆兵奮勇出力攀援直上將集集埔內賊營  
全行剽洗而首逆林爽文又經乘間逃竄此皆福康  
安等辦理遲緩與賊以暇若早至生番隘口則並可  
不需此戰或竟將林爽文即時擒獲乃失此機會實  
屬可惜至從賊匪徒雖經遵示投出現在自不得不  
從寬貸其一死但究非良善之人將來總未便仍留  
該處應于辦理善後事宜時酌量分別遷徙他省內  
地安插方為妥善

上又諭內閣曰臺灣地土膏腴素稱沃壤向來內地民人或私渡謀食亦所不免但現在臺灣逆匪滋事該處民人遭其擾累生計維艱尚或因無地可耕紛紛遷避若內地民人前赴該處則不惟口食無資且恐身罹殘害是此時斷不應有偷渡臺灣之事自必係鹿仔港等處沿海賊匪夥黨現經官兵剿捕勢已窮蹙思欲偷生逃死或將入內地潛匿或將由海道遠颺因詭稱內地民人私載船隻以為免脫之計不可

不嚴行究辦福康安現在該處搜捕逆首所有偷渡  
各犯務須嚴行訊鞫跟究得實從重定擬仍一面分  
派弁兵在鹿仔港鹿耳門沿海各口岸嚴密稽查毋  
使賊匪夥黨私自竄逸並著李侍堯查明此等私渡  
船隻係從何口岸逸出即將該地方官及防守各員  
弁一併查明叅奏

欽定平定臺灣紀畧卷五十

欽定四庫全書

史部

欽定平定臺灣紀畧卷五十三

內閣中書臣沈颺覆勘

武英殿纂修中書臣彭元琬

欽定四庫全書

欽定平定臺灣紀畧卷五十一

正月十二日

九

上諭內閣曰恒瑞自臺灣帶兵赴援觀望遷延種種玩  
悞又妄行奏請添兵張大賊勢若治以搖惑軍心之  
罪即應按軍法立斬豈福康安曾經屢次出兵而于  
行軍紀律尚未之知幸而朕于勦捕事宜先機籌畫  
早命福康安前往督辦恒瑞奏請添兵時福康安已

將次到彼人心鎮定不至為恒瑞妄誕之詞遽有搖動若彼時福康安尚未奉命前往則臺灣祇有常青一人其將領兵民等見恒瑞係叅贊大員如此張皇失措奏請添兵必為其浮言所惑心懷疑懼阻其銳氣不但臺灣全郡俱至動搖即福建內地亦皆人心惶惑尚復成何事體恒瑞妄言惑聽本應即在軍前正法前次朕所以稍從寬辦不即將伊請兵奏摺發抄治罪者以彼時官軍勦賊尚未得手正值人心惶

遽之時若遽將恒瑞怯懦張皇之奏宣播中外既慮有駭聽聞兼恐外間無識之徒以將軍叅贊等勦捕賊匪奏請添兵朕轉靳而不與妄生議論是以未即宣示止降旨福康安即令恒瑞回京今勦捕事務業已將次完竣即是不須添六七萬大兵之明驗恒瑞前此妄言之罪自應核辦試問之福康安現在豈待恒瑞請添之兵到彼始能解圍破賊攻克賊巢耶恒瑞前次所奏非妄言惑聽而何朕因念恒瑞年輕無

識且係宗室姑援議親之條不即置以重典僅令回京候旨已屬格外施恩乃福康安節次奏到之摺曲為庇護將恒瑞聯寫銜名又屢于摺內聲叙恒瑞帶兵打仗試思伊為滿洲大臣衆皆打仗伊不打仗逃往何處乎且屢經令福康安向恒瑞逐款嚴詰妄請添兵搖惑軍心是其首罪乃福康安並不問此一條轉為之多方開脫且稱其打仗奮勉仍請留于軍營該處帶兵如鄂輝舒亮普爾普等之遠勝恒瑞者正

復不少豈必須恒瑞一人其意不過遇有帶兵打仗即可將恒瑞補叙功績冀朕加恩錄用又前因保寧在四川將軍總督之任足資倚任而福建將軍在目前為要缺是以將鄂輝調任福州以資鎮馭嗣因保寧補放伊犁將軍川省現無熟悉番情之人故仍將鄂輝調回成都而以常青仍為福建將軍福康安具奏時尚未知保寧調任伊犁之信何以欲將鄂輝仍留成都福康安不過因恒瑞本係福州將軍希冀仍

留恒瑞原任之意福康安自問常青不如恒瑞之為  
將軍耶此等處豈能逃朕洞鑒福康安由垂髫養  
經朕多年訓誨至于成人今甫經委任畀以軍旅重  
寄即現在勦捕賊匪攻克賊巢昏朕指授方畧再三  
訓示將士等踴躍用命始能所向克捷今甫經解圍  
得勝朕即優加獎賞福康安自當倍加感奮迅速擒  
拏賊首尅日蕙功以期承受恩眷乃竟敢藉此微勞  
袒護親戚此等伎倆豈能于朕前嘗試耶本應從重

治罪因念其現在帶兵勦賊業經攻克巢穴拏獲逆犯家屬姑從寬免其深究着傳旨嚴行申飭福康安惟當益知愧懼力改前非若能將林爽文莊大田生擒解京尚可將功補過仰承恩眷至恒瑞仍着福康安遵照前旨革去職銜伊係宗室不忍拏問令其自備資斧速行來京交部治罪至輕亦當發往伊犁効力贖罪以示懲儆是福康安愛之實所以害之也朕辦理庶政于臣下功罪賞罰嚴明惟視其人之自取

而于軍旅重務有功即賞有罪必罰予奪昭然是以人思奮勵用能平定西陲大小金川拓土開疆大功屢告即此臺灣逆匪雖係叢爾一隅皆經朕宵旰焦勞先機決策未嘗以老而怠而昏而於諸臣功罪猶無一毫假借內外大臣皆當明喻朕意

上又命軍機大臣傳諭福康安海蘭察曰林爽文莊大田等罪惡貫盈為渠魁首惡非若大名案內之段文經可比段文經不過一無藉奸民即使竄匿稽誅不

至慮其復行滋事然日久不獲已屬不成事體况林  
爽文肆行不法罪大惡極今以如許重兵前往勦捕  
必應設法先擒解京極行處治豈可容其漏網遽得  
謂之完事乎若此時不行速獲或至逆首竄往他處  
將來大兵撤後復潛出煽聚更復成何事體總之福  
康安等若已將林爽文等獲于上元前後奏到即係  
伊福分自可承受恩眷倘此數日內竟無擒渠報到  
朕即因伊等打仗奮勉不深究遲滯之罪伊等自思

亦何顏仰邀茂賞耶計此旨接到之前福康安等自已在彼設法擒拏斷不至俟此旨到日始行上緊搜捕但朕宵旰屢懸倍深焦切不得不諄諄告誡福康安等務須益知愧奮勉圖奏績

十四日<sub>丁丑</sub>福康安海蘭察鄂輝同奏言前遣社丁杜數及投出賊目阮和等分投踣探賊踪去後茲據阮和等稟稱林爽文逃入內山尚有餘匪二千餘人聚集小半天山頂拒險死守又據杜數稱探

林爽文逃入埔裡番社相近地方潛匿已差生番  
前往密查一得確信即行飛稟各等語臣等查內  
山各處隘口已分派官兵防守惟小半天山頂地  
勢極為險峻有僻近可通內山尚為賊據必須將  
該處賊匪殲除招致山後生番堵截方為嚴密隨  
于十八日進兵臣福康安鄂輝帶領特勒登徹穆克  
登阿袁國瓚及巴圖魯侍衛等為一路海蘭察恒  
瑞帶領普吉保許世亨春寧及巴圖魯侍衛等為

一路俱由前山進攻普爾普帶同副將張芝元叅將吳宗茂騎都尉陳大恩都司劉懷仁率領廣東屯練兵丁等另為一路于四鼓前進繞過大山夾攻賊後三路官兵到小半天山麓時已黎明該處草深樹密路徑逼窄陡險之處攀藤方可登陟賊人在山頂豎立木柵柵內壘石作牆搭蓋草蓆又將道旁大樹砍倒橫塞道路恃其地險以為久據死守之計我兵攀緣直上進至半山賊匪一齊壓

下勢甚潑猛臣等傳諭各兵以山路險惡無可駐  
足之地今已仰攻至此有進無退弁兵等俱各踴  
躍用命不避鎗砲蟻附而上打死賊匪百餘名賊  
始竄回柵內投石放鎗抵死抗拒攻圍直至巳刻  
普爾普率領廣東屯練官兵攀倒木柵奮勇先登  
賊匪登時潰散各兵盡力追殺鎗斃賊目十餘人  
生擒賊目林追林二林添孫東湖王若敬五名殺  
賊二百餘人奪獲鎗砲鉛藥器械及馬匹牛隻米

殺等項將賊匪木柵草藪全行焚燬臣等即由該處查看地勢及各處隘口回營旋據義民首張源懃帶領社丁陳保並生番頭目十餘人來見當即酌加賞賚面詢內山路徑並跟問逆首踪跡僉稱聞得林爽文現在埔裡社埔尾等處潛匿所言與杜敷跣探情形約畧相同臣即令杜敷派撥鑿鑿社興武郡社鶴骨社木格社致霧社內外局社生番在埔裡東南沿溪堵截其埔裡東北一帶山口

要隘雖已嚴密但遠在山外不能制其北竄內山  
之路已飛飭徐鼎士徐夢麟等帶領屋鰲等社生  
番岸裡社熟番進至內山蛤仔攔等處在東北面  
堵截又令普爾普普吉保張芝元帶領兵丁由內  
木柵入山在西北面堵截查內木柵係生番地界  
復派通事黃寬傳集北投地方熟番引路前進嚴  
飭官兵不許稍有擾累生番令致疑懼並一面曉  
諭該番等加以賞賚令其各撥番丁一體幫同堵

等現在水沙連各社生番臣等設法招徠該生番等無不遵奉約束効力爭先一俟各路官兵會齊即帶領大兵由埔裡社西南隘口進山搜勦斷不使逆首逃匿稽誅再賊目李七係泉州府同安縣人為賊中有名頭目從前即有投誠之信曾領受恒瑞蔡攀龍檄諭臣在廈門時即聞知此事到諸羅後因蔡攀龍籍隸同安令其遣人招撫並令泉州義民等分投偵訪離間賊黨而李七畏罪遲疑

不敢遽行投出茲據義民首馬應祖等訪獲李七之母李沈氏妻李林氏及伊兄李水解送來營據李沈氏李水供稱李七本是被賊逼迫無奈順從早想投出又懼治他從賊之罪後來逃在山裡如今願去尋他令其投到等語臣已將李七母妻暫留令李水往尋李七俟投到時再行究辦又逆匪滋事之初攻陷城鎮各該處文武官員印信多有遺失臣自進兵以來于賊庄內派員逐細搜查陸

續起獲臺灣北路副將關防一顆北路都司關防  
一顆鹿仔港理番同知關防一顆諸羅縣印一顆  
彰化縣分駐南投縣丞關防一顆彰化縣貓霧揀巡檢印  
一顆各印俱被賊人搶去多有槌損毀壞不堪鈐用其  
臺灣府印彰化縣印于城陷時經孫景燧俞峻家屬帶  
出並未遺失而印文甚屬模糊亦須更換查此次賊平  
之後查明緊要地方添設官員酌量移駐印文字樣均  
應另行擬定且臺灣土語謂殺為臺而呼官字又與灣

字無異臺灣二字實非吉語亦應另易嘉名容俟  
辦理善後事宜時酌議具奏奏入

上命軍機大臣傳諭福康安海蘭察鄂輝曰前次福康  
安自十一月二十五日攻破賊巢遲至十二月初四  
日始由平林仔發兵前進使賊匪得以乘暇收合羽  
黨于集集埔預為佈置據險抗拒已屬辦理遲緩迨  
官兵攻克集集埔後于十三日在水裡社擊獲逆首  
家屬福康安等若能及早帶兵直往小半天一帶搜

捕則賊匪窮蹙奔逃救死不暇豈能收集黨夥二千餘人于山頭豎柵壘牆搭幕拒守且官兵進攻山梁時賊匪投石放鎗抵死抗拒彼時林爽文自必尚在該處潛匿若福康安等于賊匪未經佈置之先即已統兵前至該處林爽文豈能據險抵禦屢次使之乘間逃逸乃福康安等又不即時前進延至十八日始帶兵分路攻勦距拏獲逆首家屬時中間又隔五日賊匪得預為扼險死守之計是福康安不但有失機

宜且使賊匪得以乘暇設備又須帶領官兵到處攻勦  
即福康安自為計豈非舍易而就難耶再批閱圖內  
于山外各路口安設營盤不下二十餘處計每處派  
兵四五百名已不下萬餘似此于無甚緊要處零星  
分派置之無用之地豈不又如從前恒瑞普吉保于  
鹽水港笨港一帶分兵零星堵禦致兵力以分而見  
單乎况福康安在東埔納駐劄距逆首逃竄之埔裡  
社尚遠何不前至舒亮駐劄之歸仔社劄營且現在

分兵堵截自應酌留一二通內地隘口毋庸設兵使  
林爽文見此數處無兵防堵或由該處仍逸入內地  
不難四路圍截立就擒獲今將各隘口悉行設兵堵  
截是轉恐其入山不深驅之使入豈不失計福康安  
此時應將圖內硃筆點出各隘口酌量將官兵撤去  
合兵一二萬福康安竟當親自統領直入埔裡社內  
山踞探林爽文潛匿處所跟踪追捕即該處生番語  
言不通與禽獸無異今林爽文潛匿內山亦難與生

番通語聯絡其所帶夥匪僅止一二千人尚可四處  
竄逸不畏生番豈福康安帶領大兵數萬轉慮生番  
野性難馴有所畏怯乎若生番等震懾兵威將林爽  
文擒獻固屬甚善設使冥頑助逆即趁此兵力亦無  
難將生番等痛加殲戮總之林爽文逃匿何處福康  
安即帶兵向該處跟踪追勦以期必獲此皆福康安  
節次辦理遲緩自貽伊戚其跋涉勞苦皆所自取福  
康安務奮力速進生擒逆首以副委任

十六日巳卯常青奏言臺灣府城北至嘉義縣一路  
前經福康安派令普爾普帶領官兵自縣至府復  
自府回縣往來追捕賊匪逃遁道路已通其府城  
以南臣屢次搜剿勢亦消散所有敗退竄伏之賊  
時或潛出搶掠覓食臣營盤雖存兵無多茲值北  
路大兵迅掃賊巢競思振奮一聞探報賊踪立往  
迎擊皆能爭先殺獲賊衆登時奔潰節准福康安  
來咨賊巢業已蕩平賊首尚未弋獲臣再嚴飭文

武員弁兵役加緊巡查不使稍有疎漏惟查南路賊首莊大田前聞匿跡大武隴山內近又訪聞在南仔坑地方查該處與水底寮一帶係鳳山縣屬皆有匪類藏匿距東港頗近臣前派副將丁朝雄等收復東港以通糧路帶兵一千貳百餘名僅可駐守今李侍堯挑派內地各營兵一千現已先到六百五十餘名不日到齊臣即酌撥六百名添赴東港後到三百餘名派守府城合計丁朝雄原帶

之兵共有一千八百名再令會同廣東泉州等庄  
義民一二千相機前進開通鳳山道路就近設法  
擒拏莊大田並其賊目匪黨又飭令鳳山縣知縣  
張升吉前往該處將投出之附合脅從人等廣為  
招撫安插歸庄並據臺灣縣知縣王露曉諭民庄  
各舉紳耆聯絡附近庄衆守望相助遇賊拏解仍  
踪跡莊大田協擒解獻奏入

上命軍機大臣傳諭福康安海蘭察鄂輝常青曰前此

派令福康安赴臺灣辦理剿捕逆匪事務福康安奉命時即不免有畏難之見中途屢次奏請添兵經朕再四降旨詳悉開導彼時朕深慮福康安未必能迅速蕨功已諭令奎林星馳赴京原欲令其前往臺灣幫同帶兵剿捕並令阿桂赴閩駐劄廈門調度一切以資策應及至福康安帶兵渡洋由鹿仔港進兵數日之間即能直抵嘉義縣城殺賊解圍打通道路並即攻克斗六門直抵大里杙摧破賊巢痛殲匪衆屢

奏捷音朕初不料其辦理如此迅速為之喜出望外  
是以不次加恩以示優獎乃福康安屢與賊人以暇  
致失事機今林爽文業經竄入內山僅將其家屬拏  
獲豈得謂之蕨事又焉有官兵始終曠日持久在彼  
等候搜捕之理且生番等頑獷性成直與禽獸無異  
祇可懾以兵威不可徒事招致與之講解况各社生  
番不下數萬豈能一一感化一一賞賚搜捕機宜全  
貴迅速不獨擒拏逆首為然即如尋常追捕亦須趁

勢及早擒拏若稍涉延緩往往乘間遠颺卒致漏網  
上年直隸大名案內首犯段文經亦因該督等不即  
查拏以致該犯遠遁至今未獲而林爽文一犯更非  
段文經可比今窮蹙之際尚敢率領夥黨二千餘人  
竄入內山設不即時拏獲或復行糾合南路賊匪煽  
聚滋擾或繞出大兵之後仍在大里杙截掠軍糧皆  
不可知爾等亦曾思及此否至常青本日所奏不過  
敷衍塞責常青在府城駐兵日久並不能督率將弁

將南路賊匪痛加剿殺廓清道路竟至一籌莫展實屬無能常青亦着傳旨嚴行申飭又昨據福康安奏臺灣二字似應另易嘉名等語所奏殊可不必前此將諸羅縣改名嘉義原因該處義民幫同官兵守城殺賊咸知大義甚堪嘉尚是以特改縣名用是旌異至臺灣地方自

聖祖平定後設立府縣即以臺灣命名沿用至今其土語與字音偶有訛同之處亦無甚闕係况並未之前聞

自不當輕議更改即此時另改他名而臺灣二字沿習已久人亦必仍稱舊名是即更改亦屬無謂此皆捨正務而用心于無用之地矣着傳諭福康安於辦理善後章程內祇須將該處改建城垣添設丞倅弁兵一切應辦事宜悉心籌酌妥協務期一勞永逸其更改地名一節毋庸提及亦不必形之言語也

十七日

庚辰

常青奏言府城為南北要衝此時北路竄走

之賊或與南路匪夥偶通聲息希圖援救均未可定臣

於營盤外近山各要隘並鹿耳門上下口岸督率巡查  
多為防範以期周密此現在未便分兵南下遠離府城  
之實在情形也所有李侍堯派到舊兵一千尚未到齊  
其先到六百餘名已派撥添赴東港因訪聞莊大田近  
日潛匿南路南仔坑或大武隴二處行踪無定臣是以飭  
令東港帶兵將弁協同義民等固守港口仍酌量添  
兵就近設法相機剿捕復令地方官撫輯遠近民庄  
並懸重賞緝拿首夥各犯一經獲到不須多用兵力

而收復鳳山肅清南路即可尅期竣事奏入

上命軍機大臣傳諭福康安海蘭察鄂輝常青李侍堯  
曰福康安前此具奏柴大紀為人狡詐不可深信一  
摺於柴大紀如何貪劣如何誤事如何懼賊不進兵  
實跡並未列款叅劾經節次降旨飭諭茲據軍機大  
臣奏福康安有寄伊等公信一件內稱柴大紀守禦  
縣城並非伊之力量福康安到縣城時面見柴大紀  
形貌並非勞瘁馬匹亦皆臆壯城中糧食並未斷絕

其接奉諭旨不肯帶兵出城一節亦係義民等不肯將伊放出伊亦畏賊不敢出城守諸羅一事朕不忍以為柴大紀之罪至於其他聲名狼藉縱兵激變不肯帶兵剿賊柴大紀既有此等情節福康安于具摺時何不逐款指出據實叅奏即或因縣城南經解圍未便即將柴大紀叅劾亦應將以上各情節隨摺寄知軍機大臣令其代陳朕亦得以悉其原委可無須再三飭諭乃福康安既未於摺內列款糾叅又不早

寄知軍機大臣代奏試思柴大紀在縣城被圍日久其奏到接奉諭旨不肯帶兵出城一摺披閱之下朕為之墮淚即在朝諸臣凡有人心者亦無不以柴大紀竭力守城稱其義勇是即柴大紀小有過失亦當錄其大功而宥其微愆豈能據福康安所奏柴大紀為人狡詐不可深信一語遽治以無名之罪若因此籠統虛詞即將有功之人加以罪譴又何以服衆心而示天下耶此事福康安具奏含糊固難辭咎而李

侍堯心存容隱其咎較之福康安為尤重前問李侍堯之論尚未覆奏想亦難為措詞耳本日常青所奏總不過敷衍塞責殊屬無謂前因其初至郡城調度一切尚為妥協且伊已年老尚能親自帶兵打仗是以賞戴雙眼花翎以示獎勵今半載以來株守郡城毫無出力念其尚無大過與恒瑞之搖惑人心者有間伊于閩省情形尚為熟悉業經補用福州將軍伊自當照將軍職分戴用單眼花翎

十八日 辛巳

上命軍機大臣傳諭福康安海蘭察鄂輝曰福康安等自攻克小半天後該處距埔里社不遠各路分派之兵當早已會集合力搜捕逆首林爽文自必早就擒獲日內亦應有奏報擒渠信息何以尚未見奏到總之逆首林爽文若于此數日內奏報擒獲方為妥協設再遲延日久恐逆首輾轉潛匿搜捕較為費力此時福康安既已派兵在內山各隘口分路堵截其內

山東面大洋並無口岸自無慮其逃竄而北路又有  
熟番等幫同官兵堵截亦難竄逸惟向南路山徑  
毘連或林爽文竟從此路逃竄與莊大田聚合一處  
該處俱屬內地不難分派官兵悉力搜捕將賊目賊  
首一併擒獲福康安惟當倍加奮勉探明逆首逃往  
何路跟踪追捕立就擒縛毋令乘間遠逸若首惡渠  
魁稽誅漏網竟至全無下落尚復成何事體耶朕為  
此事日夕焦勞着再傳諭福康安務遵節次諭旨直

入內山將林爽文迅速拏獲毋得再事遲緩

二十一日

甲申

上命軍機大臣傳諭福康安海蘭察鄂輝李侍堯曰福康安自十一月二十五日攻克大里杙後遲至十二月初四日始由平林仔發兵及攻克集集埔在水里社擒獲林爽文父母家屬又復延至十八日始攻剿小半天輟轉稽遲此必係福康安到彼聽信恒瑞之言以生番素稱頑梗獷悍異常若官兵輕進必致擾

動生番別滋事端是以徐徐進兵隘口惟是招致懸  
立重賞冀生番等自行擒獻殊不知此等生番可以  
威懾而不可徒以利誘况各社生番豈能一一賞賚  
未經得賞者又安能望其出力為官兵擒拏逆首耶  
計小半天地方相距林爽文竄匿之埔里社埔尾至  
遲不過三日路程官兵即可到彼若已將逆首擒獲  
自必具摺馳奏計本月十七八日即當奏到今已閱  
七日尚未據奏到擒渠之信又屬無望畏事之人稱

內山係生番地界不種五穀該處生番俱係打生覓  
食林爽文帶領顛匪數千即在彼潛匿無從得食但  
自林爽文竄入內山以後于福康安前此發摺時已  
閱二十餘日逆首等並未因人衆乏食盡皆餓斃又  
豈可徒在隘口堵截林爽文一日不獲即官兵一日  
不撤經年累月與賊相持雖駐兵日久經費亦屬小  
事但臺灣地方一交三月氣候即已炎熱所調官兵  
內如屯練貴州及別省兵丁素來不耐濕熱若至彼

時尚在該處駐劄必致易生疾病其氣更餒或林爽  
文聞知官兵不習水土多有疾病竟乘間潛出滋擾  
或攔截官兵運送糧餉火藥之路或將官兵前往府  
城道路中間攔截關係甚重皆不可不慮况南路莊  
大田現在糾衆肆擾常青祇辦自守不能望其帶兵  
剿捕設林爽文又在北路逞其狡獪伎倆牽掣大軍  
更復成何事體耶朕意福康安此時與其在彼駐守  
未能直入內山將逆首即時擒獲豈可老師糜餉不

為改經易轍之計約計此旨到日已屬二月中旬如  
福康安已早將逆首擒獲帶兵前往南路搜捕莊大  
田固屬甚善倘福康安接奉此旨時尚未生擒逆首  
不可不急思變計竟當趁氣候尚未炎熱之時將各  
隘口官兵撤回逕趨南路將賊目莊大田拏獲收復  
鳳山肅清道路其北路一帶轉不妨示賊以隙使林  
爽文聞知大兵業已撤去或自內山逸出希冀竄往  
他處自尋生路則逆首竄入內地轉可易于搜剿彼

時福康安于廓清南路後復移兵北向四面截拏攔其入山之路自無難將逆首一鼓成擒即使大兵撤後難保林爽文不逃入內地復行煽惑但此亦不足為慮前此林爽文在北路及嘉義滋擾各處村庄民人原俱被其煽誘迫脅而大兵一到無不立時殲除解散紛紛奔潰況林爽文當逃竄之餘豈能復行糾結即使潛相勾引該處民人已知官兵聲勢豈肯一聽從縱有聽糾入夥者亦斷不能如前之多官兵

再行搜剽自必如摧枯拉朽易于撲滅反可淨盡根  
株此事理之顯然者福康安如尚未挈獲逆首竟當  
遵旨而行不必心存疑慮倘更有何善計較此為勝  
者亦不妨速行總期大功尅日告蕝原不必拘執也

欽定平定臺灣紀畧卷五十一